



學校 坊表附

汾陽縣儒學在師垣坊卽舊汾州儒學金日知節度使
康玉潤重修後燬於兵元初漸次修舉明洪武間知州
茹志道正統間知州李善相繼重修正德十六年知州
郁浩復增鑿內外泮池嘉靖九年詔建敬一亭植御製
敬一箴宋儒視聽言動心五箴萬歷十二年知州白夏
重加修拓二十三年設汾州府改州學爲府學知府崔
士榮趙喬年文養浩繼修而新設倚郭汾陽縣則別建
縣學於城東 國朝順治間改建府學於同節坊康熙
十五年知縣崔秉政議縣學亦宜置城內於是以前舊府

學改爲縣學大加繕治二十五年

御書萬世師表

頒發州縣懸額廟中二十八年天下郡縣學仍舞八佾

三十三年

御製

至聖先師孔子贊四配贊頒行

天下四十一年

御製訓飭士子文頒發胥鐫石明

倫堂五十一年

詔升朱子於十哲五十五年以宋范

仲淹從祀雍正三年

御書生民未有頒發州縣懸

額廟中釐正祀典復祀蘧瑗林放秦冉顏何鄭康成增

祀先賢牧皮公都子公孫丑樂正子萬章先儒諸葛亮

尹焞黃幹陳淳魏了翁何基王栢趙復金履祥許謙陳

澔羅欽順陸隴其是年頒定禮儀祭用春秋二仲月上

丁日前期陳設正位禮神制帛一色白白磁爵三牛一

羊一豕一豉一實以太羹釗二實以和羹簋二實以黍

稷簋二實以稻粱籩十實以形鹽藁魚鹿脯棗栗榛菱

芡黑餅白餅豆十實以韭菹青菹芹菹笋菹醯醢鹿醢

兔醢魚醢脾胙豚胙酒樽一四配位每位禮神制帛一

白磁爵三羊一豕一釗一簋二籩二簋八無黑白餅豆

八無脾胙豚胙酒樽一十哲位又朱子一位禮神制帛

各一白磁爵各一豕二釗各一簋各一有黍無稷簋各

一有稻無粱籩各四形醴棗栗藜魚豆各四韭菹醯醢

菁菹鹿脯豕首二東西廡禮神制帛二銅爵各一豕六

每案簋一籩一盞四豆四樂器曰麾曰鐘曰磬曰鼓曰
搏拊曰祝曰敔曰琴曰瑟曰排簫曰笙曰簫曰笛曰埙
舞器曰節曰羽曰籥曰干曰戚祭獻官散齋二日致齋
一日前一日演樂省牲祭日三更鼓祭事皆備鼓再嚴
樂舞生執事者各立丹墀左右鼓三嚴引贊引各獻官
廟門外立通贊唱樂舞生就位樂生各序立於廟庭奏
樂之所兩司節者分引舞生至丹墀東西兩階各序立
於舞佾之位兩司節者退至舞生兩班之首持節相向
立唱執事者司事陪祭官就位分獻官就位獻官就位
引贊引獻官至拜位引贊退位唱瘞毛血 執事者捧毛

血正廟由中門出四配十哲兩廡由左右門出瘞於坎
遂啟俎蓋唱迎神樂奏咸和之曲其辭曰大哉孔聖道
德尊崇維持王化斯民是宗典祀有常精純並隆神其
來格於昭聖容麾生揚麾樂生擊祝樂作司節舉節舞
生執籥秉翟而舞叩首再叩首三叩首與麾生偃麾樂
盡櫟敔司節伏節舞生罷舞唱奠帛行初獻禮捧帛者
捧帛執節者執節引贊引獻官詣盥洗所勺水淨巾引
詣酒尊所司尊者舉爵酌酒執爵者捧帛者在獻官前
行正廟帛爵由中門入四配帛爵由左門入各于神案
側立引贊引獻官亦由左門入廟 至聖先師孔子神

位前樂奏寧和之曲其辭曰自生民來誰底其盛惟師
 神明度越前聖粢帛具成禮容斯稱黍稷非馨惟神之
 聽靡生揚麾樂生擊祝樂作司節舉節舞生執籥秉翟
 而舞獻官跪捧帛者西向跪進帛獻官獻帛授接帛者
 奠于神位前案上執爵者西向跪進爵獻官獻爵授接
 爵者奠于神位前叩首興詣讀祝位祝位在香案前引贊引獻
 官至祝位麾生偃麾樂暫止讀祝者跪取祝文退立于
 獻官左獻官并各官及讀祝者皆跪讀祝文曰維某年
 歲次某某月某朔越幾日某官某等敢昭告于 至聖
 先師孔子曰維 師德配天地道冠古今刪述六經垂

憲萬世惟茲仲春秋則謹以牲帛醴齊粢盛庶品祗奉

舊章式陳明薦以 復聖顏子 宗聖曾子 述聖子

思子 亞聖孟子配尚饗叩首興麾生舉麾樂生接奏

未終之樂引贊引獻官詣 復聖顏子神位前跪捧帛

者跪進帛于獻官右獻官獻帛授接帛者奠于神位前

案上執爵者跪進爵於獻官右獻官獻爵授接爵者奠

于神位前叩首興次詣 宗聖曾子 述聖子思子

亞聖孟子神位前儀同復聖復位引贊引獻官至原拜

位立通贊唱行分獻禮各引贊引分獻官詣盥洗所勺

水淨巾引詣酒尊所司尊者舉爵酌酒各引贊引爵

官至十哲兩廡神位前跪捧帛者跪進帛分獻官獻帛
 授接帛者奠于神位前捧爵者跪進爵分獻官獻爵授
 接爵者奠于總案上執事者于各神前自奠一爵叩首
 興復位麾生偃麾樂盡操敵司節伏節舞生罷舞通贊
 唱行亞獻禮引贊引獻官詣酒尊所司尊者舉爵酌酒
 詣 至聖先師孔子神位前樂奏安和之曲其辭曰大
 哉聖師實天生德作樂以崇時祀無斁清酌惟馨嘉牲
 孔碩薦羞神明庶幾昭格麾生揚麾樂生擊祝樂作司
 節舉節舞生執籥秉翟而舞儀如初獻四配十哲兩廡
 亞終二儀胥同初獻復位麾生偃麾樂盡操敵司節伏

節舞生罷舞通贊唱行終獻禮儀同初獻樂奏景和之
 曲其辭曰百王宗師生民物軌瞻之洋洋神其盍止酌
 彼金罍惟清且旨登獻惟三於嘻成禮樂作佾舞獻爵
 諸儀畢復位麾生偃麾樂盡操敵司節伏節舞生罷舞
 通贊唱飲福受胙進福酒者捧爵進福胙者取正壇羊
 左肩胙置于盤引贊引獻官詣飲福位跪 飲福位即捧
 福酒者跪進酒于獻官右獻官受飲以爵授接爵者捧
 福胙者跪進胙于獻官右獻官受胙以胙授接胙者由
 中門捧出叩首興復位叩首再叩首三叩首各官同唱
 徹饌樂奏宣和之曲其辭曰饗象在前豆籩在列以享

以薦旣芬旣潔禮成樂備人和神悅祭則受福率遵無
越樂生奏如前式執事者跪舉籩豆一器一舉而徹兩
班司節分引舞生于丹墀東西相向序立不舞麾生偃
麾樂盡櫟敵唱辭神樂奏祥和之曲其辭曰有嚴學宮
四方來崇恪恭祀事威儀讎讎歆茲惟馨神馭還復明
禋斯畢咸膺百福樂生奏如前式叩首再叩首三叩首
各官同麾生偃麾樂暫止讀祝者捧祝奠帛者捧帛各
詣瘞所正廟由中門出四配十哲兩廡帛由左右門出
唱望瘞麾生揚麾接奏前樂禋和之曲引贊引獻官分獻官
陪祭官至瘞所唱焚文帛九段焚訖麾生偃麾樂止復
位通贊唱禮畢

崇聖祠在尊經閣後明嘉靖十年詔建啟聖祠 國朝

雍正三年 欽改爲崇聖祠追封孔子五代王爵復

以張載父迪從祀是年頒定禮儀前期陳設正位五案
每位禮神制帛一白磁爵三羊一豕一劍一簋二簋二
籩八豆八酒罇一配位每位一案禮神制帛二豕首一
每位銅爵三簋一籩一簋四豆四豕肉一兩廡禮神制
帛二每位銅爵三簋一籩一簋四豆四豕肉一以春秋
二仲月上丁日先致祭無樂舞餘儀同

名宦祠在戟門外之左

汾陽縣志 卷三
六
鄉賢祠在戟門外之右

萬歷十二年知州白夏建三賢祠於啟聖祠左祀子夏段干木田子方而舊志稱知縣尹覺民導馬跑泉水至馮家莊架以木槽由西關入城至鼓樓南引入府學泮池所云府學卽今縣學也

府舊志汾陽縣學田無糧地一頃每年額徵秋租穀葛三十五石有糧地一頃每年秋租穀葛三十五石於本年租內照依時值變納糧差又有糧地一畷九分八釐四毫每年除納糧外額徵租穀四斗又守道徐學道周批發地五十畷係郭裕絕產每歲除納糧

外交租穀五石守道徐買置地十七畷五分坐落西關南一里下舍村每歲除納糧外交納租課六石三斗二升五合地十五畷坐落北關北三里堡城司每歲除納糧外交納租課五石以上汾陽縣志云地四段坐落小相西里每歲除納糧外交租七石五斗又云原設學田共地二頃六十一畷有奇糧十五石一斗九升五合有奇又房舖三所每歲賃銀三十餘兩縣舊志載宋元豐三年賜太師文彥博詩勅并序其碑石在學中

教諭宅在尊經閣東

訓導宅在尊經閣西

西河書院在府治東南舊名棠蔭書院康熙二十四年知府張奇抱建乾隆十二年知府魏元樞於汾陽縣願捐素積案內撥銀三千兩每歲收息銀三百六十兩又自捐養廉銀五十兩及八屬各捐多寡不一歲成六百兩爲延師置弟子之費十八年知府顧鴻重修復撥銀三千五百兩合前共六千五百兩每歲收息銀七百八十兩以充束修膏火經費免州縣捐助

白公書院府舊志云在啟聖祠西其廢已久

仰高書院府舊志云在縣治西嘉靖元年督學周宣命知州張鉞卽狄公祠隙地建叅政李元題名仰高宜仰子夏之文狄公之武也五年知州郭鏗增拓其廢已久文昌書院府舊志於汾陽縣云在學前府通判王重光署縣事議建今廢

卜山書院縣舊志云在城北二十里大相村名子夏祠勅額卜山書院後以遠在郊野因學宮旣成卽於西偏創立書院仍以卜山名之今亦廢

義學舊在府署西知府劉克孔建順治十六年分守冀南道申偉抱捐俸置於府學西康熙五十五年知縣平士植重整五十八年知縣周超捐俸延師聚徒講肄其

舊志明藩封各設學選宗室最賢者為宗正慶成設於城西北香火寺永和設於城西南淨土寺慶成立詩社曰金蘭永和曰青蓮

舊志有坊牌一目今附於此攀桂坊明成化十六年

為舉人李經立在人美廂奪錦坊成化十九年為舉人劉

訊立在三賢坊進士坊宏治三年為進士賈璇立在義和廂獨

步丹霄坊宏治八年為舉人賈珍立在義和廂後改世科益以賈晶

賈敦賈達天上探花坊月中折桂坊俱宏治九年為進士

嚴泰立在三賢坊奮身白屋坊正德五年為舉人武海立

狀元坊正德六年知州李棠為宋狀元王嗣宗元狀

元張益立在師垣坊嘉靖三十八年因榜眼孔天胤改為狀元榜眼坊青雲接武

坊金榜傳芳坊父子進士坊俱正德九年為進士賈

繼之立在義和廂繼之即璇之子嘉忠誠坊嘉靖七年為安簡王

知煥立在永和府前世英坊嘉靖七年為舉人田宏田籽

田適立褒賢孝坊嘉靖八年為端順王奇慎立在承恩坊

榜眼坊嘉靖十一年為孔天胤立在同節坊奎煥坊嘉靖

十三年為舉人王緯宋廷璠賴君恩劉尙義李翰立

在師垣坊進士坊嘉靖十四年為進士王儒立在三賢坊恩榮

坊嘉靖十四年為進士劉尙義立在城東門內兄弟聯輝

坊嘉靖十六年為孔天胤孔天民立在師垣坊進士坊嘉

靖二十三年為進士趙世錄立在三賢坊天寵馳封坊嘉

靖二十三年為贈主事趙廷璧立在三賢坊四雋坊嘉靖

二十五年為舉人王緝馮叔奇田大壯賈公儼立在師垣坊

垣坊光前裕後坊嘉靖二十九年為進士王文翰立在三賢坊

勵賢孝坊嘉靖三十年為莊定王新鍾立在忠誠坊前

承恩坊嘉靖三十一年為安穆王知燦立在慶成府前方

伯文宗坊嘉靖三十八年為河南左布政使前陝西

浙江提學使孔天胤立在同節坊外臺風憲坊嘉靖四十

年為僉事王文翰立在同節坊聯璧坊嘉靖四十三年為

舉人郭中張更化立在師垣坊大司馬坊隆慶元年為總

督三邊軍務霍冀立在東關迎薰門外冀孝義縣人褒端謹賢孝坊

隆慶三年為鎮國中尉表析立在上義坊侍御坊萬歷三

年為監察御史張更化立在東郭東廂龍章褒寵坊萬歷

三年為封監察御史張學立在東郭東廂兄弟大夫坊萬

歷四年為奉直大夫王緯奉政大夫王緝立在安靜坊父

子少卿坊萬歷四年為贈光祿少卿王鶴光祿少卿

王緝立在安靜坊都御史坊萬歷七年為副都御史王緝

立在三賢坊三世大臣坊萬歷十年為贈副都御史王垣

王鶴副都御史王緝立在三賢坊褒賢孝坊萬歷十三年

汾陽縣志 卷三

節坊

為慶成王慎鍾立在同烈婦坊萬歷三十五年為王

蜀妻侯氏立在南

父子諫議坊崇正七年為禮科給

事中張第元立在汾州

天官坊崇正九年為史部考

功清吏司郎中靳光先立在三賢坊

三賢故里坊 國朝

順治間立在東郭

貞懿坊康熙十六年為節婦朱氏

立在北

勅褒孝行坊康熙三十一年為孝子魏之憲

立在羅城

堡外

道光三十年重修

補遺

兩廡從祀先賢先儒名位郡邑乘往往詳著於編夫從

祀之典通頒直省各學非為一方而設瑣屑紀錄似失

體要至名宦鄉賢兩祠亦闕而不載非所以脩掌故維

風化也謹據名宦鄉賢兩祠所列名位件繫于右畧加

攷核以正祀典

名宦祠

周西河守虞子羔吳起

漢西河太守杜延年并州牧

郭伋 魏西河守房豹

晉汾州刺史王雅西河守刁

雙張軌

後魏汾州刺史王慶

西魏汾州刺史韓褒

後周大都督行汾州事宇文測

唐汾州刺史薛從

西河守陸瓌汾州長史崔隱甫汾州刺史賈耽汾陽王

汾陽縣志 卷三 學校

郭子儀汾州別駕李抱真汾州刺史李說李勉崔宏禮
李漢 宋汾州通判趙瞻汾州路都監李謙溥知汾州
張克戩汾州教授陳膏汾州路兵馬都監賈亶 金汾
陽軍節度使胥鼎石抹元毅 元知汾州郭琪睦大用
汾州同知程邦彥汾州通判李朝英 明知汾州茆志
道紀正張軌李善葉穆伍琇海鯉李棠郁浩何賢冀南
道王崇簡於敖孫繼敖葛守禮知汾州郭鏗劉坤劉一
佺知汾陽縣張九賢費甲鏢張首標劉必達 國朝冀
南道馬鳴珮史記功申偉抱汾州知府周召南黃廷栢
郎永清

右崇祀名宦祠六十人乾隆中重修郡志擬徹者十

人周西河守虞子羔吳起漢并州牧郭伋地非府境晉汾

州刺史王雅雅係北周人且地非府境張軌地非府境後魏汾州刺史

王慶西魏汾州刺史韓褒地非府境後周行汾州事宇文

測測係西魏人且地非府境唐汾州刺史崔宏禮本傳有短于治民愛利務多積

語汾陽王郭子儀地非府境訂正者二人魏西河守房豹

據北史房法壽傳改列北齊晉西河守刁雙據魏書

本傳改列北魏今名宦祠所列依然沿襲舊訛未經

釐定

鄉賢祠

晉布衣王延 北燕尙書右丞宋隱 北魏勝兵將軍

張濟 唐右臺宋務光東臺宋友文 宋檢校太尉王

嗣宗康州團練使田紹斌賀州團練使楊瓊惠州刺史

李渭檢校太尉狄青 元河東兵馬都元帥杜豐處士

王天祺南臺都御史呂洸國子監司業張益國子監助

教柳誠 明監察御史辛彥博河南按察司僉事董齡

樂安知縣李秀戶部郎中賈璇長清知縣田耔歲貢劉

仲原登州知府巖泰戶部郎中賈繼之陝西叅議劉尙

義太僕寺卿張更化副都御史王緝中部知縣朱新懋
副都御史孔天允 國朝湖南道劉昇祚孝廉李開

先處士胡庭臨洮道田呈瑞孝廉趙日昌

右崇祀鄉賢祠三十四人乾隆中重修郡志擬徹者

一人北燕宋隱隱父恭已家于廣平列人訂正者三人晉王延改

列劉聰時唐宋友文乃令文之訛朱新懋乃新堞之

訛今鄉賢祠所列亦仍沿舊誤與名宦同又栗主名

銜有亟宜更正者張濟當書成紀侯王嗣宗書王景

莊狄青書狄武襄李渭書都監王竒書防禦使杜豐

書沁州長官呂洸書呂簡肅辛彥博書浙江左布政

使董齡書四川副使賈繼之書戶部主事劉尙義書

河南副使王緝書戶部右侍郎孔天允書河南左布

政使

續編

乾隆三十五年知縣李文起教諭趙鄒訓導王廷淑重
修縣學大加繕治道光五年知縣林澹源教諭白嶸訓
導陳棠墀復踵其事廟貌鼎新俱有碑見藝文

西河書院 道光三年知府余永齡撥當商舊存敬惜
字紙款內每年息錢五十八千八百為獎賞資十年山
長桂林于仁鑑增建房間知府象曾捐廉繕修事未竣
罷官歸十一年知府史夢蛟繼之間歲而工成十五年
勸捐銀四百兩發當商生息歲收息銀四十八兩為膏

火資又勸捐錢三百千發當商生息歲收息錢三十六
千遇閏加增為歲修資

汾陽縣義學在汾州府學西乾隆四十九年知縣蔡珍
煥重修

西軒義學亦在郡學西邑紳魏國卿建

宏寺村義學邑紳呂文樞建

小相村義學邑人姜調葵建

宋家庄義學邑紳宋士哲建

仁岩村義學邑紳李日耀建

陽泉村義學邑人鄉飲介賓王學孔等建
武生王學孟

東密庄義學邑紳韓鈺等建
羅城鎮義學邑紳李萬青建

汾陽縣志卷之四

名宦

刁清穆雙字子山渤海饒安人少好學兼涉文史雅爲
中山王英所知賞拜西河太守正光初中山王熙之誅
也熙弟畧投命於雙雙護之周年時購畧甚切畧乃謂
雙曰我兄弟屠滅已盡唯我一身漏刃相託卿雖厚恩
久見容蔽但事留變生終恐難保脫萬一發覺我死分
也無事相累卿若送吾出境便是再生之惠如其不爾
輒欲自裁雙曰人生會有一死死所難遇耳今遭知己
視死如歸願不以爲慮畧後苦求南轉雙乃遣從子昌

送達江左靈太后返政知畧因雙獲免徵拜光祿大夫
莊帝初以功封曲城鄉男興和三年卒諡曰清穆

裴良字元賓河東聞喜人時汾州吐京薛羽等作逆以
良兼尙書左丞爲西北道行臺值別將李德龍爲羽所
破良入汾州與刺史汝陰王景和及德龍率兵數千憑
城自守景和薨以良爲汾州刺史加輔國將軍行臺如
故先是官粟貸民未及收聚仍值寇亂至是城民大饑
人相食賊知倉庫空虛攻圍日甚死者十三四良以饑
窘因與城人奔赴西河汾州之治西河自良始也

右北魏二人舊志列周虞子羔吳起漢杜延年郭伋
魏房豹晉王雅刁雙張軌後魏王慶西魏韓褒宇文
測考縣境於兩漢皆不屬西河郡漢以前之西河於
此地尤絕不相涉辨已詳沿革房豹北齊世祖時爲
西河太守誤繫之魏而列於晉前謬也王雅北周明
帝初爲汾州刺史誤繫之晉周書列傳云王雅字度
容闡熙新固人世宗初除汾州刺史勵精爲治人庶
悅而附之自遠至者七百餘家舊志訛作新門人又
云後拜少傅孝武將擢王恭殷仲堪雅曰仲堪謹於
細行幹畧不長帝不聽此乃晉之王雅字茂達者東
海剡人孝武深加禮遇時人被以佞倖之目山西通

志作太寧初爲汾州刺史則又誤以北周明帝爲晉
明帝晉王雅以隆安四年卒時年六十七而明帝太
寧初下距隆安四年凡七十八年是太寧初尙未有
王雅其人且汾州之名起於北魏晉無是名又晉太
寧時此地屬石勒孝武世此地屬苻堅尋屬慕容垂
晉無此地也北周之汾州在今霍州平齊後廢齊之
汾州其郡縣屬介州亦絕不涉此地舊志於張軌僅
西河著德四字別無所詳考晉書張軌傳永寧初出
爲涼州刺史後張越陰圖代軌遣兄鎮移檄廢軌軌
以子實爲中督護率兵討鎮遣鎮外甥太府主簿令

狐亞前喻鎮曰舅何不審安危明成敗主公西河著

德兵馬如雲然則西河著德四字蓋掇取令狐亞稱

張軌者其所謂西河乃晉涼州之域

晉涼州領金城
西平武威張掖

西郡酒泉敦煌
西海凡八郡

黃河上游去此絕遠王慶北周大象

元年爲汾州刺史誤繫之後魏韓褒北周保定三年

爲汾州刺史誤繫之西魏宇文測大統中行汾州事

乃西魏所置之汾州在今陝西宜川縣皆茫然不察

今訂正

房豹字仲幹東清河繹幕人體貌魁岸美音儀河清中
除謁者僕射拜西河太守地接周境俗雜稽部豹政貴

清靜甚著聲績遷博陵太守又遷樂陵太守風教修理
稱爲美政齊滅遂還本鄉邱園自養頻被徵命固辭以
疾終於家

右北齊一人舊志於名宦祠列之三國魏山西通志
於職官亦列之三國魏於名宦列之北魏胥誤今改
正

蕭大圍字仁顯梁簡文帝之子也幼而聰敏神情俊悟
年四歲能誦論語孝經及三都賦七歲居母喪便有成
人之性梁大寶元年封樂梁郡王屬侯景肆虐簡文見
弑大圍潛逃獲免明年景平大圍歸建康改封晉熙郡
王大圍以世多故恐讒愬生焉恒以讀詩禮書易爲事
元帝嘗問五經要事數十條大圍辭約指明應答無滯
帝甚歎美之隋開皇初拜內史侍郎出爲西河郡守大
圍性好學務於著述撰梁舊事三十卷寓記三卷士喪
儀注五卷要決兩卷并文集二十卷

右隋一人

薛大鼎字重臣蒲州汾陰人父粹爲隋介州長史義旗
初大鼎於龍門謁高祖以功遷涪州刺史累徙滄州是
時鄭德本在瀛州賈敦願爲冀州皆有治名故河北稱
鎡脚刺史永徽中遷銀青光祿大夫行荊州大都督長

史卒諡曰恭

楊越宏農仙掌人太宗初定天下網羅遺逸越曰天下有道可以出而見矣乃以角巾褐衣應命太宗曰石州邊方未沾王化汝往輯禦以息邊患授石州方山令楊隆禮煬帝曾孫景雲中汾州刺史性清嚴能檢察人吏欺隱殆絕開元中封宏農郡公授戶部尙書卒

崔隱甫貝州武城人隋散騎侍郎儻之曾孫也解褐左玉鈐衛兵曹參軍遷殿中侍御史內供奉浮圖惠範倚太平公主脇人子女隱甫劾狀反爲所擠貶邛州司馬元宗立擢汾州長史兼河東道度支營田使遷洛陽令

梨園弟子胡雛善笛有寵嘗負罪匿禁中帝以他事召隱甫從容指曰就卿丐此人對曰陛下輕臣而重樂工請解官再拜出帝遽謝與胡鷓隱甫殺之有詔貰死不及矣賜隱甫百縑後拜東都留守封清河郡公卒贈益州大都督諡曰忠隱甫所至潔介自守明吏治以強正稱始帝欲相隱甫謂曰牛仙客可與語卿常見否對曰未也帝曰可見之隱甫終不諳他日又問對如初帝乃不用

徐堅字元固湖州長城人世客馮翊梁慈源侯整五世孫也堅幼有敏性沛王聞其名召見授紙爲賦異之十

四而孤及壯寬厚長者舉秀才及第爲汾州叅軍事後累遷給事中封慈源縣子睿宗初進東海郡公元宗改麗正書院爲集賢院以堅充學士副張說知院事帝大酺集賢幔舍在百司上說令揭大榜以侈其寵堅見遽命撤之曰君子烏取多尙人堅於典故多所諳識凡七當讓次高選卒贈太子少保謚曰文

杜希望京兆萬年人重然諾所交游皆一時俊傑屬吐蕃攻勃律勃律乞歸右相李林甫方領隴西節度故拜希望鄯州都督知留後馳傳度隴破烏莽衆斬千餘級進拔新城振旅而還擢鴻臚卿於是置鎮西軍希望引師部分塞下虜悉衆爭壇泉希望大小戰數十俘其大酋至莫門焚積蓄卒城而還授二子官宦者牛仙童行邊或勸希望結其懽答曰以貨藩身吾不忍仙童還奏希望不職下遷恒州刺史徙西河太守而仙童受諸將金事泄抵死畀金者皆得罪希望愛重文學門下所引如崔顥等皆名重當時

陸瓌字仲采蘇州人舉明經補長安尉以清幹稱開元初改新鄉令人爲立祠後除洛陽令時車駕在洛摧勸姦豪人不敢犯爲中書令蕭嵩所器重嵩罷他宰相俾陰廉嵩短瓌曰與人交過且不可言况無有邪以是忤

貴近出爲太原少尹累徙西河太守封平恩縣男屬邑多虎前守設檻笄瑛至徹之而虎不爲暴

薛從字順之絳州龍門人仁貴之四世孫以蔭授左清道率府兵曹叅軍累遷汾州刺史隄文谷瀘河二水引溉公私田汾人利之徙濮州儲粟二萬斛以備凶災擢將作監終左領軍衛上將軍贈工部尙書

崔昭襄圓字有裕貝州武城人開元中以鈐謀對策甲科累遷爲劍南左司馬知留後元宗西出次扶風遷御史中丞劍南節度副大使圓初聞難治城濇隍列館宇儲什具帝次河池圓疏具陳蜀土腴穀羨儲供易辦帝

省書泣下曰世亂識忠臣卽日拜中書侍郎同中書門下平章事仍兼劍南節度使至德二載遷中書令封趙國公後削階封李光弼表爲懷州刺史改汾州以治行稱徙淮南節度使卒謚昭襄

李貞簡勉字元卿鄭惠王元懿曾孫也勉少喜學內沈雅外清整始調開封尉汴州水陸一都會俗厯錯號難治勉摧姦決隱爲有名從肅宗於靈武擢監察御史遷司膳員外郎關東獻俘百將卽死有數者勉過問曰被脅守官非敢反勉入見帝曰寇亂之汙半天下其欲深心自歸無繇如盡殺之是豈以助賊也帝馳騎完宥後

汾陽縣志 卷四
歸者日至天子素重其正擢太常少卿欲遂柄用而李
輔國諷使降禮於己勉不爲之屈乃出爲汾州刺史與
元初拜檢校司徒平章事卒贈太傅謚曰貞簡勉少貧
客梁宋與諸生共逆旅諸生疾且死出白金曰左右無
知者幸君以此爲我葬餘則君自取之勉許諾旣葬密
置餘金棺下後其家謁勉共啟墓出金付之位將相所
得俸賜悉遺親黨身歿無贏藏其在朝鯁亮廉介爲宗
臣表禮賢下士有始終嘗引李巡張參在幕府後二人
卒宴飲仍設虛位沃饋之遣戍兵常視其資糧春秋存
問家室故能得人死力善鼓琴有所製天下寶之

賈元靖耽字敦詩滄州南皮人天寶中舉明經河東節
度使王思禮署爲度支判官累進汾州刺史治凡七年
政有異績召授鴻臚卿兼左右威遠營使貞元九年以
尚書右僕射同中書門下平章事封魏國公卒贈太傅
謚曰元靖耽嗜觀書老益勤尤悉地理爲圖廣三丈縱
三丈三尺以寸爲百里本之禹貢及班固漢書古郡國
題以墨今州縣以朱刊落疎舛多所釐正又著貞元十
道錄其器備然蓋長者也不喜臧否人物檢身勵行家
人近習不見其喜愠

劉暹曹州南華人爲汾州刺史天資疾惡所至以方直

爲觀察使所畏建中末召爲御史大夫宰相盧杞憚其嚴更薦前河南尹于頔代之暹終潮州刺史

孔巢父字弱翁少力學隱徂徠山建中初涇原節度留後孟暉表巢父試秘書少監兼御史中丞行軍司馬尋拜汾州刺史入爲諫議大夫興元中李懷光擁兵河中以巢父兼御史大夫充宣慰使遇害帝聞之震悼贈尙書左僕射

李說字巖甫淮安靖王神通之五世孫也馬燧節度太原辟說署少尹遷汾州刺史李自良代燧復奏爲少尹擢檢校禮部尙書節度使累封隴西縣男說精於職卒贈尙書右僕射

裴向字僚仁絳州聞喜人父遵慶上元中同平章事廣德初僕固懷恩阻兵汾上代宗以遵慶忠純特遣往汾州宣慰見懷恩具陳朝旨懷恩引過聽命將隨入朝旋爲范志誠所惑以懼死爲辭會乘輿幸陝遵慶自汾州奔赴行在向少以門蔭歷官至太子少議郎德宗末方鎮之副多自選於朝以待有變次授之故向以選爲太原少尹行軍司馬兼御史中丞改汾州刺史轉鄭州向以學行自飭歷官仁智推愛利及於人以吏部尙書致仕內外親屬百餘人向所得俸祿必同其費世稱其孝

睦

李漢字南紀雍王八世孫少事韓退之通古學屬詞雄蔚爲人剛烈類愈愈愛重以子妻之擢進士第累遷右拾遺直諫多所救補出佐興元幕府文宗立召爲屯田員外郎史館修撰論次憲宗實錄書宰相李吉甫事不假借子德裕惡之會李宗閔當國擢知制誥進御史中丞吏部侍郎後德裕復輔政漢坐宗閔黨出爲汾州刺史有善政及宗閔再逐改州司馬尋徙絳州長史大中時召拜宗正少卿

魏暮字申之鉅鹿人文貞五世孫也擢進士第文宗讀貞觀政要思魏徵賢詔訪其後以暮爲右拾遺暮姿字魁秀帝異之累擢諫議大夫以直諫稱始暮之進李珣楊嗣復寔推引之武宗立坐二人黨出爲汾州刺史後大中五年進同中書門下平章事十年以平章事領劍南西川節度使卒贈司徒暮爲宰相議事天子前他相或委抑規諷惟暮讜切無所回畏宣宗嘗曰暮名臣孫有祖風朕心憚之然卒以剛正爲令狐絢所忌讒罷之右唐十七人舊志列薛從陸瓌崔隱甫賈耽郭子儀李說李勉崔宏禮李漢九人郭子儀封汾陽郡王鎮絳州絳在汾水之陽也唐時此地無汾陽之稱崔宏

汾陽縣志 卷四
禮雖嘗爲汾州刺史唐書絕不言其治績而於傳末
有云宏禮短於治民多愛利晚頗務多積素議疵之
如史所譏不宜列在名宦

李謙溥字德明并州孟縣人性慷慨重然諾少通左氏
春秋建隆四年爲慈州刺史兼晉隰緣邊都巡檢行石
州事以興同寨爲治所開寶元年命李繼勳等征太原
以謙溥爲汾州路都監太祖征晉陽爲東寨都監前軍
副部署黨進遣謙溥伐木西山以給軍用未至聞鼓聲
乃并人逼西寨大將趙贊禦之并衆未退謙溥麾所部
赴之太祖遽至觀戰怪其赴援者非精甲問之乃謙溥

也帝甚喜謙溥在州十年敵人不敢犯境有招收將劉
進者勇力絕人謙溥撫之厚藉其死力往來境上以少
擊衆并人患之爲蠟丸書以間進伴遺書道中晉帥趙
贊得之以聞太祖令械進送闕下謙溥詰其辜進伏請
死謙溥曰我以舉宗四十口保汝矣卽上言進爲并人
所惡此乃反間也奏至帝悟遽令釋之賜以禁軍都校
戎帳服具進感激願擊敵自効

郭達字仲通其先自邢徙洛康定中兄遵死於敵錄達
爲三班奉職隸陝西范仲淹麾下仲淹勉以問學及爲
汾州都監龐籍鎮河東俾權知忻州契丹來求天池廟

地籍不能決以諉逵逵訪得太平興國中故牘證爲王
土檄報之契丹愧服逵怵懾喜兵學尤善用偏裨每至
所部令人自言所能暇日閱按之故臨陣皆盡其技每
戰先招懷後戰鬪愛惜士卒不妄加誅戮其殺賊婦女
老弱者皆不賞後官左武衛上將軍提舉崇福宮卒贈
雄武軍節度使

趙懿簡瞻字大觀其先亳州永城人父剛太子賓客徙
鳳翔之盩厔瞻舉進士第調孟州司戶叅軍知夏縣作
八監堂書古賢令長治迹以自監又以秘書丞知永昌
縣築六堰灌田歲省科斂數十萬水訟咸息民以比召

杜英宗治平初自都官員外郎除侍御史時議追崇濮
安懿王瞻引漢師丹董宏事謂其屬薛温其曰事將類
此吾必以死爭固吾所也中書請安懿王稱親瞻爭曰
仁宗旣下明詔子陛下議者顧惑禮律所生所養之名
要相訾難彼明知禮無兩父貳斬之義敢裂一字之詞
以亂厥真且文有去婦出母者去已非婦出不爲母辭
窮直書豈足援以斷大義哉臣請與之庭辨以定邪正
已而皇太后手書尊王爲皇瞻歎曰向者太后切責大
臣議乃得罷今邪臣與中官交締歸過至尊而自爲之
地吾與首議之臣不並生矣因復力陳會假太常少卿

接契丹賀正使人對英宗問前事對曰陛下爲仁宗子而濮王又稱皇考則是二父二父非禮英宗曰御史嘗見朕欲皇考濮王乎瞻曰此乃大臣之議陛下未嘗自言英宗曰是中書過耳朕自數歲時先帝養爲子豈敢稱濮考瞻曰臣請退論中書作詔以曉天下時連日晦冥英宗指天示瞻曰天道如此安敢妄爲褒尊朕意已決無庸宣告瞻曰陛下祗畏天戒不以私妨公甚盛德也及使還聞呂誨等諫濮議皆罷去乞與同貶不報趣入對英宗曰卿欲就龍逢比干之名孰若効伊尹傅說哉瞻皇懼言臣不敢奉詔使朝廷有同罪異罰之譏遂

通判汾州神宗卽位遷司封員外郎知商州元祐三年擢樞密直學士簽書樞密院事明年以中大夫同知院事五年卒太皇太后語輔臣曰惜哉忠厚君子也車駕親臨贈銀青光祿大夫謚曰懿簡

田晝字承君陽翟人樞密使況之從子以任爲檢書郎調磁州錄事叅軍知西河縣有善政民甚德之議論慷慨有前輩風與鄒浩以氣節相激勵元符中浩爲諫官晝監京城門往見浩曰平生與君相許者何如今君爲何官浩曰上遇羣臣未嘗假以辭色獨於浩差若相喜天下事固不應有意欲待深相信而後發貴有益也

然之既而以病歸許邸狀報立后晝謂人曰志完不言
可以絕交矣浩得罪晝迎諸塗浩出涕晝正色晝曰使
志完隱默官京師遇寒疾不汗五日死矣豈獨嶺海之
外能死人哉願君毋以此舉自滿士所當爲者未止此
也浩茫然自失謝曰君之贈我厚矣建中靖國初入爲
大宗正丞曾布數羅致之不爲屈

張確字子固邠州宜祿人元祐中擢進士第徽宗卽位
應詔上書言十事乞誅大姦退小人進賢能開禁錮起
老成擢忠鯁息邊事修文德廣言路容直諫遂列於黨
籍宣和中知汾州七年徙解州又徙隆德府明年金兵
至確乘城拒守或獻謀欲自東城潰圍出且探確意確
怒叱曰確守土臣當以死報國頭可斷腰不可屈乃戰
而死欽宗聞之悲悼優贈述古殿直學士召見其子密
慰撫之曰卿父今之巡遠也爲將爲守者皆如卿父朕
顧有今日邪欽容歎息者久之

張忠確克戡字德祥開封人侍中耆曾孫也第進士宣
和七年八月知汾州十二月金兵圍太原距汾二百里
遣將銀木孛董來攻縱兵四掠克戡畢力扞禦數選勁
卒撓敵營出不意焚其柵敵懼引去論功加直秘閣靖
康元年六月金兵復逼城朝廷命經畧使張孝純之子

灝都統制張思正轉運使李宗來援思正誅求無藝民不堪命克戡引誼開曉皆願自奮宣撫使李綱表其守城勞連進直龍圖閣右文殿修撰太原不守思正紿云出戰遂率灝宗奔慈隰於是人無固志成將麻世堅夜斬關出通判韓瑋相繼亡克戡召令兵民曰太原旣陷吾固知亡矣然義不忍負國家辱祖父願與此城始終以明吾節諸君其自爲謀皆泣不能仰視同辭對曰公父母也願盡死聽命乃益厲兵徹守金兵至身帥將士環甲登陴雖屢却敵而援師訖不至金兵破平遙平遙爲汾大邑久與抗旣先陷又脅降介休孝義諸縣據州

南二十村作攻城器具兩遣使持書諭克戡焚不啟具述危苦狀募士間道言之朝不報十月朔金益萬騎來攻愈急有十人倡爲降語斬以徇諸酋列城下克戡臨罵極口砲中一酋立斃度不得免手草遺表及與妻子遺書縋州兵持抵京師明日金兵從西北隅入殺都監賈直克戡猶率衆巷戰金人募生致之克戡歸索朝服焚香南向拜舞自引決一家死者八人金將奉其屍禮葬於後園羅拜設祭爲立廟事聞詔贈延康殿學士賜銀三百兩絹五百匹表揭門閭紹興中謚忠確

賈直汾州路兵馬都監靖康元年十月庚子金人陷汾

州直巷戰死
陳膏莆田人政和中進士宣和中爲汾州教授佐守臣張克戡守城捍禦有功後知惠州

右宋八人舊志列趙瞻李謙溥張克戡陳膏賈直五人

郭企忠字元弼唐汾陽王子儀之後企忠幼孤事母孝謹年十三居母喪哀燬如成人天輔中大軍至雲中遣邪律坦招撫諸部企忠來歸軍帥命同勾當天德軍節度使事及見太祖問知其家禮遇優厚天會四年知汾州事是時汾州初下居民多爲軍士掠去城邑蕭然企

忠詣帥府力請願聽其親舊贖還帥府從之未幾完實如故石州賊閻先生衆數萬至城下僚屬慮有內變請爲備企忠曰吾於汾人有德保無他乃率吏民城守會援至合擊破之六年遷天德軍節度使後累遷金吾衛上將軍

傅慎徽大定中知汾州州東十里有西河濼卽古文湖圍四十里歲旱以溉民田雨以瀦水宋時轉運使王沿廢爲田熙寧元年御史劉述因民不以爲便請復之至是有欲涸以爲田者慎徽力爲嚴禁及代去後卒廢濼耕種其中自是傍近之田多旱暵之虞而樂地本污下

遇雨久輒致淹浸

許文簡安仁字子靜獻州交河人登大定七年進士第
侍御史賈鉉以安仁守道端慤薦於朝同知濟南府事
路伯達繼上章言其立已純正宜加顯任明昌中爲汾
陽軍節度使泰和五年卒諡曰文簡安仁質實無華澹
然有古君子風爲時人所稱

石抹元毅本名神思咸平府路酌赤烈猛安莎果歌仙
謀克人明昌中以最遷汾陽軍節度副使時石嵐間賊
黨嘯聚肆行剽掠朝廷命元毅捕之賊畏而遁元毅追
襲盡殪之二境以安遷同知武勝軍節度使事別郡有
殺人者屢鞠不伏元毅訊不數語卽具服河東北路田
多山坡磽瘠大比時定爲上賦民力久困朝廷命相地
更賦元毅以三壤法平之民賴其利後戰歿於撫州贈
信武將軍元毅性沉厚武勇過人每讀書見古人忠義
事未嘗不嗟歎賞慕喜動顏色

胥鼎字和之尙書右丞持國之子也大定二十八年擢
進士第八入官以能稱至寧初由戶部尙書拜叅知政事
貞祐二年五月宣宗將南度留爲汾陽軍節度使兼汾
州管內觀察使十一月改知平陽府事兼河東南路兵
馬都總管權宣撫使三年拜樞密副使權尙書左丞行

省於平陽宰相高汝勵言於帝曰胥鼎才擅衆長身兼數器宜召還朝省四年進封溫國公致仕元光元年胥陽公郭文振奏河朔受兵有年矣向皆秋來春去今已盛暑不廻且不嗜戕殺恣民耕稼此殆不可測也伏見前平章政事胥鼎才兼將相威望甚隆向行省河東人樂爲用今雖致政精力未衰乞付重兵使總制公府同力戰禦庶幾人皆響應易爲恢復惟陛下圖之正大二年起復拜平章政事進封英國公行尙書省於衛州鼎力疾赴鎮來歸者衆三年七月薨鼎通達吏事有度量爲政鎮靜所在無賢不肖皆得其權心

烏古論德升本名六斤益都路猛安人明昌二年進士以翰林侍讀權參知政事與平章政事抹撚盡忠論近侍局預政宣宗怒未幾出爲集慶軍節度使改汾陽軍節度使河東北路宣撫副使復改知太原府事興定元年德升上言皇太子聰明仁孝保訓之官已備更宜選德望素著之士朝夕左右之日聞正言見正行此社稷之洪休生民之大慶也宣宗嘉納之二年元兵圍大原城破德升至府署謂其姑及其妻曰吾守此數年不幸力窮乃自縊而死其姑及其妻皆自殺詔贈翰林學士承旨方貞祐中近侍局陰秉朝政及德升罷相盡忠下

獄自是以後中外蔽隔以至於亡

完顏訛出虎隆安府猛安人大定二十八年進士累官
補尚書省令史由忻州防禦使遷汾陽軍節度使兼經
畧使興定二年九月蒙古木華黎破汾州出虎力戰死
右金七人舊志列胥鼎石抹元毅二人

郭琪繁峙人延祐初知汾州以才能稱晉朝列大夫
睦大用神峯人延祐中同知汾州廉正有威吏民守法
畏服

李朝英孟縣人至正間判汾州有政績

程邦彥祁邱人同知汾州郡人德之及去撰遺愛碑

右元四人

茹志道洪武八年知汾州勤於治事而閭里不擾民咸
稱之

紀正隴州人洪武三十五年知汾州有善政累官順天
府尹

張軌清澗人永樂初知吉州起服除汾州民安其政任
滿奏留加四品俸後以疾致仕

李善字元吉岐山人以進士正統初知汾州持已廉介
察其便於民者力爲之興舉遷真定府知府

張善字元吉岐山人以進士正統初知汾州持已廉介
察其便於民者力爲之興舉遷真定府知府

撫都御史李侃薦章言其去汾民思到吉民悅廉潔如水遷河間府同知

伍秀松溪人以舉人天順五年知吉州尋遷汾州有賢能稱詔旌異之

海鯉江夏人以進士宏治四年知汾州政尚廉察發姦摘伏如神居一載卒民悲思之

高俊膚施人以舉人宏治八年同知汾州剛正自任州北有峽路阻澗多伏盜俊伐石塞澗行旅賴以無患

李棠清苑人以舉人正德八年知汾州慷慨有大節務實政惠民理煩治劇井井有條後歷松江太原二府同

知擢戶部郎中及卒貧不能殮里人葬之題其碑曰清白吏

郁浩湖廣永寧衛人以進士正德十四年知汾州政簡嚴力興學校每朔望爲諸生講說經義不倦在任三年擢戶部員外郎至按察司僉事

何賢河間人以舉人正德十六年知汾州爲人儻政尙惠和居歲餘卒郡人德之爲肖像祀焉

王崇慶開州人正德戊辰進士以主事抗疏左遷沁州判官嘉靖二年遷分守冀南道以正風俗端士習爲務母老歸養後官至吏部尚書贈太子太保

郭鏗陝西咸寧人以舉人嘉靖二年知汾州深沉有志操民畏服之擢戶部員外郎累官布政司左參議

王正宗固安人以御史謫潞州判官嘉靖七年知介休縣廉潔正直盜賊遠遁擢知汾州

劉坤壽張人嘉靖十五年由萬安縣擢知汾州廉靜愛民值強宗數撓法遂抗疏而歸民懷思之

於敖岷州衛人正德辛巳進士嘉靖十九年遷分守冀南道創外城及四鄉堡寨以資保障民永賴之累官大同巡撫

張信平涼府人以舉人嘉靖十九年知汾州精明果毅

凡強梗病民力爲杜絕

孫清愍繼魯字道甫雲南右衛人嘉靖二年進士累官知淮安府織造中官過淮繼魯與之忤誣逮至京大學士夏言救免繼魯不謝言不悅改補黎平擢湖廣提學副使二十二年進分守冀南道執法不阿宗藩畏之及遷按察使也民送者塞於道而宗藩百餘人擁馬發其裝敵表外無長物愕然曰我高皇祖迄今百七十餘年罕見此官乃載酒追送二十六年擢右副都御史代楊守謙巡撫山西繼魯耿介所至以清節聞總督都御史翁萬達議撤山西內邊兵併力守大同外邊帝報可繼

魯抗章爭言紫荆居庸山海諸關東枕漠渤拱護京師
與鴈門宣武偏頭諸關西據黃河屏蔽全晉一也自偏
頭宣武鴈門東抵平荆關爲山西長邊自右衛雙溝墩
至東陽河鎮口臺爲大同長邊自父角山至雙溝百四
十里爲大同緊邊自父角山至老牛灣百四十里爲山
西緊邊論長邊則大同爲急山西爲緩論緊邊則均爲
最急此皆密邇河套譬之門闔山西守左大同守右山
西併力守左尙不能支又安能分以守大同之右使三
關將士遠離堡戍欲不侵犯難矣萬達聞之不悅上疏
言繼魯以危言相恐復遣臣書帝方倚萬達怒繼魯騰

私書引往事遂逮下詔獄疽發於項瘐死繼魯爲巡撫
僅閱四月山西人習其前政冀有所設施遽以非罪死
咸爲痛惜宗藩有上書訟其寃者卽前奪視其裝者也
世宗卽位贈兵部左侍郎賜祭葬廕一子諡曰清愍
葛端肅守禮字與立德平人嘉靖七年舉鄉試第一明
年以進士授彰德推官巨盜誣富家株連以百數守禮
盡出之主獄者譖之御史會藩府獄久不決屬守禮一
訊卽得乃大驚服及爲儀部郎中故事郡王絕近支得
以本爵理府事不得繼封交城懷仁襄垣以繼封請守
禮持之堅會以疾在告三邸人乘間行賂遂得請旗校

詞其事以聞所籍記賂遺十餘萬獨無守禮名帝由是知其廉二十五年遷分守冀南道尋遷按察使累官南京禮部尙書李本署吏部事希嚴嵩指考察廷臣署守禮下考勒致仕後帝問守禮安在左右謬以老病對帝爲歎惜久之隆慶元年起戶部尙書歷刑部尙書左都御史時大學士高拱張居正更用事交相軋守禮周旋其間正色獨立人以爲難卒贈太子太保謚端肅

齊宗堯昌黎人嘉靖四十五年知汾州忠直有胆畧遇事慷慨直前隆慶元年俺荅入寇抵城下宗堯登埤設守具指授捍禦方畧卒得保全加河東運司同知仍管

汾州事尋調忻州

白夏頴川人萬歷十年知汾州治事明敏實心於民善政不一

麻溶宣城人萬歷癸未進士二十三年由吏部郎中擢分守冀南道廉儉自持判斷神明

尹覺民萬歷三十三年以進士知汾陽縣廉幹有能聲以利民善俗爲務

劉一任字存吾陝西盤匡人以舉人萬歷四十一年知汾州府爲清官第一向有石鴈照汾州清官不到頭之語一任鑄鐵鳳鎮之擢雲南清軍驛鹽道副使

張九賢歷城人萬歷四十三年以進士知汾陽縣務滌民害尤善治盜代去後民咸思之

劉光祚字洪基榆林衛人崇正三年奉詔勤王與何可綱等戰灤州有功遷汾州叅將五年與遊擊王尙義敗賊張有義於臨縣賊還兵犯之仍爲賊所據光祚偕諸將逐賊復臨縣六年賊犯石樓光祚分三道進擊大敗之斬隔溝飛撲天虎等六人獲首功三百七十又數敗賊於臨永寧撲天虎等詐降光祚設伏斬之已而擊敗賊魏家灣黑茶山七年勦敗王剛餘黨斬四百餘級加署都督僉事爲山西副總兵敗賊崞縣復其城八年賊

渠賀宗漢號活地草者見其黨劉浩然高加計破滅僞乞降光祚伏兵斬之晉中羣盜皆盡十四年賊已陷河南襄陽中原郡縣大抵殘破光祚士馬無幾雖少有克捷而賊勢轉盛及傅宗龍敗沒於項城南陽震恐光祚適經其地唐王邀與共守城陷遂死之

費甲鎡陝西咸寧人崇正四年以舉人知平遙縣有善政六年改知汾陽縣老穉扳轅立去思碑時流寇蔓延巡撫許鼎臣以曹文詔軍平定備太原東太監閻思印同總兵張應昌軍汾州備太原西賊至彰德應昌等出兵進勦甲鎡爲閻思印所逼投井死士庶皆枕屍哭劉

太監聞之抗疏白其事

王肇生山東掖縣人崇正六年爲分守冀南道事實無可考有王公平寇碑見藝文

張首標玉田人崇正八年以進士知汾陽縣時宗藩橫恣慶成王立金字下馬牌於府門有司悉首聽命首標獨不屈榜於通衢曰敢有恃勢魚肉我民者輕則徑自發落重則具牒兩臺請旨究擬藩役聞之歛迹未幾卒民哀痛之

侯君昭知汾州府崇正十七年城破不屈死

劉必達陝西三原人崇正末知汾陽縣城破死之義勇范奇芳亦自剄

右明三十人舊志列茆志道紀正張軌李善葉穆伍琇海鯉李棠郁浩何賢王崇慶於敖孫繼魯葛守禮郭鏗劉坤劉一任尹覺民張九賢費甲鏞張守標劉必達二十二人一

馬鳴佩字潤甫遼陽人順治元年以工部啟心郎擢守冀南道歷官兵部尙書總督兩江所至多建豎民咸德之

黃廷栢遼東海州衛人幼孤事母至孝順治元年以薦徵知靈璧縣有治績轉大興縣五年擢知汾州府明年

汾陽縣志 卷四
死姜瓖之亂贈太僕寺卿康熙四十六年祀名宦祠五十六年又建專祠方守城時賊圍之數重廷栢選勇士夜襲賊營賊驚擾及旦賊來益衆陷東門入廷栢身當其衝連發矢中賊墮馬復巷戰自辰至午與壯士格殺數十百人會大風起晝晦賊截擊廷栢與壯士遂分被執不屈死

周召南字晉侯遼陽人順治六年知汾州府時寇亂初定召南以招徠撫綏爲務除豪強胥吏之爲民害者嘗命所屬州縣官徭賦有當開豁者當均平者悉稽以告將爲民請命令下比屋歡呼在任三年擢山西驛傳道

民共立遺愛碑道左

史記功滿洲人順治九年由大名兵備道遷分守冀南道有政績十一年擢江南按察使民立去思碑

郎永清字定菴遼東廣寧人順治十四年知汾州府有善政累官山東巡撫

張奇抱蓋平人康熙二十二年知汾州府盡心民事明年府境汾水湫水漲溢爲災凡五載困於淹浸撫循曲至思所以拯其民者不遺餘力審視地形高下修築隄壩民立石用誌不忘

馮雲燦金壇人以歲貢雍正二年知汾陽縣有惠政越

六年擢本府同知熟悉民事時豪右藉銷鹽無端滋害雲燦思永久便民遂有按糧攤課之議汾陽鹽稅得以循例輸納弊無從起者公之力也

竇容恂石城人以進士雍正七年知汾州府多善政創立西河書院拔擢秀民造就之成其材

張延年樂城人雍正癸卯舉人七年知汾陽縣廉正愛民待士以禮而抑其奔競治豪猾制胥役嚴盜賊民懷其善政被劾以去士民哭送於道者不絕

張學林丹徒人以貢生雍正八年知汾州府視利有可與胥役朋比作奸卽以土鹽歸商銷假名巡查私鹽大爲民害至不能堪訴於官學林察知其隱積弊由是滌絕

林中柵泗州人以歲貢雍正八年知汾陽縣慈祥愛民時知府張學林崔應階相繼釐清鹽法檄縣議覆中柵以鹽稅及平餘總攤入地丁銀內徵收永除豪右侵害且杜額外加耗之漸有碑記在任多惠政

崔應階江夏人以廕生雍正九年知汾州府遇事明而果斷初蒞任前守理汾陽鹽政商銷病民案未結以法治之不少貸豪猾無所施其技

張坦讓漢陽人以舉人乾隆四年知汾州府廉正恤民先是雍正十年查墾荒地晦寧鄉縣知縣邵之楷虛報可墾地四百頃二十餘晦實無其地後知縣吳錯念民力不支欲請不得間會坦讓至遂以爲言坦讓力任之得具題豁免在官八年多善政

朱廷掄字翹亭順天大興籍浙江會稽人雍正庚戌進士乾隆六年知汾陽縣慈祥明察治獄務虛衷不輕用三木民有因姦殺其本夫者姦婦誣指讐某於五更時呼與共樵遂被害拘至則其人方宰羊有血刃焉而察婦無戚容乃緩鞫密訪之具得其實獲真犯抵罪一時稱神明嘗值亢旱步禱於介邑綿山甘雨立沛人有百里隨車之喻五載去官民謠思之

徐珏南豐人乾隆二十七年以進士知汾陽縣謝絕餽遺裁免行戶縣役素橫肆珏痛懲之於是民情纖悉得達於官數月惠聲大著盜賊至相戒不入境縣倉例春放秋收名取耗息若干而民還輒倍違鄉下戶不親納或三倍未已入務精善出時往往以粗惡其弊不可究詰民咸苦之珏親其收放令出入如例蓋珏未第時嘗遊汾晉間知其利病故動合政要加以實心愛民民亦戴之如親父母未幾調直武去之日自城至境壺榼不

汾陽縣志卷四
絕送者塞途村民持田器奔來拜道左或望見已遠則
遙拜之八九十歲老人言聞見以來汾陽好官一人而
已

顧學潮元和人乾隆二十八年知汾陽縣清操惠政一
如徐令而才尤敏嘗密訪市井兇頑榜其名廳事左右
凡酗酒鬪毆到官視壁上有名者重懲諸兇徒屏息汾
陽故多民訟學潮得狀卽接去城遠近限時刻勾審用
杜胥吏生弊甫一年擢知灤州

道光三十年重修

補遺

北魏刁雙傳 按此傳乃魏書刁雍傳原文北史亦附
雍傳云位西河太守爲政清簡吏人安悅較此爲詳

按郡志宦績門有唐汾州刺史李道堅傳此失載

明劉必達傳 明史蔡懋德傳汾陽知縣劉必達袖出
罵賊文賊誦而殺之其義勇范奇芳刺殺一僞都尉而
自剄陝西通志必達山陽人崇禎庚辰特用進士授汾
陽知縣遭闖逆之變不降投井賊引出繫太原陰通書
於京口賊怒殺之二書所載較此爲詳

補明劉衍疇傳

劉衍疇字恒公洛陽舉人萬曆十九年由嶧縣知縣擢

牧汾州汾上地寒恒苦旱州人不解種木棉法所需石炭取給於百里外衍疇甫下車講求水利淪馬跑向陽諸泉灌田數百頃購木棉籽種散給民間教之樹植捐俸於北山麓開煤窑閭閻便之號劉公炭嚴保甲法捕強盜王池等十二名併訪緝棍宗慎勤等喇琥棍徒張節呂池等按例懲辦尤孳孳以化導爲先務朔望詣鄉約所稽善惡簿頒聖諭衍義於屬縣循俗訓解作爲詩歌以示勸考滿境內稱治撫按交薦升萊州府同知本萬歷十九年張世蘭所撰德政碑

正誤

唐楊越傳 按越官方山令此誤收

宋李謙溥傳 宋史太宗紀太平興國四年北漢節度使蔚進盧 以汾州降地始屬宋謙溥爲汾州路都監在開寶元年時用兵北伐遙領其職非親蒞其地也本傳在州十年自係官隰州刺史事此傳刪併宋史本傳以成文叙次未晰且宋時隰州領縣五惟石樓一縣在今府境則謙溥宦績當入郡志此不必載

宋張克戩傳 宋史本傳畢力捍禦句下有燕人先內附在城下者數十陰結黨欲爲內應悉斬之二十一字此刪之非是

金胥鼎傳 副樞之拜金史宣宗紀及本傳皆云貞祐四年此作三年非是 金史本傳興定元年封莘國公四年進封溫此失載本封則進封字無着且本傳所云四年乃興定四年此叙次亦殊欠明晰

明王肇生傳 按此以平寇碑誤收說詳藝文

續編

俞調元字祇文海寧人乾隆元年舉人三十六年由刑部郎中出守汾州會金川用兵晉省助餉百萬汾屬應輸三十萬乃集衆於城隍廟出矢言衆踴躍爭輸終日而畢既解餘平銀數千兩按冊分還之一錢不入私橐也攝冀寧道稽察驛站以勞卒官

雷汪度字蓮客錢塘人庚辰舉人乾隆中自陝州知州擢汾州知府性嚴厲蒞政務振刷時奸胥蠹役魚肉小民勢張甚擇其尤者重懲以法閭閻相慶郡學就圯率士紳重修並新郭忠武王祠郡城北原公水康熙間引三分之一逸城濠入泮池尋復淤塞仍浚入城故渠通之四十二年歲大歉斗米錢八百開倉平糶民困少蘇所轄汾平介孝四邑仰食陝右自永寧以西綏德葭州榆林等處米穀率以筏渡積口河陸運抵汾驛一頭載

八斗若以之駕車可致三石芻秣費等而運數多至四倍汪度相視形勢惟黃蘆嶺迤西十里須石工開鑿即可行車慨然曰此萬利也捐俸鳩工成坦途焉其志在愛民類此去任後民伐石以紀其德

岳祥字壽農長白人嘉慶中以部郎出守汾州汾俗嗜賭介休曹卜氏以賭橫一邑甫下車立置諸法境內肅然喜培植士類以禮延接訓迪不倦文風爲之不變累官歸綏道

李文起字郁瞻歸善人乾隆庚辰進士三十五年知汾陽縣縣志自康熙六十年知縣周超重修後五十餘載未遑編輯文起延休宐戴震踵其事重整義例結撰謹嚴爲方志中善本縣學自康熙十五年改建至是亦就圯率士紳鼎新之在任三年弊修墜舉治績卓然

吳邦治字濟川固始人乾隆辛丑進士嘉慶四年知汾陽縣勵清操一介不妄取署中費用不給輦家貲所有以佐之禮士愛民煦煦然如恐或傷然爲閭閻除害則法不少貸交山巨盜杜如蘭等久肆劫掠太汾二郡罹其毒設計擒之復踰獄逃亟置諸重典一方賴以安堵歷任九載以循良報最擢解州知州

王世耀真定人道光八年以進士知汾陽縣性明敏不

假手吏胥訟至立決案無留牘關防嚴密二子在署外
無職其面者蠹役楊姓恃勢橫邑中人莫敢抗張蘭同
知某歿於署躬往索逋百計粹辱其遺孤世耀立抵於
法

李發英字冰岩曲沃人壬戌進士嘉慶中官汾州教授
生有異稟書過目終身不忘其學主於無所不窺詩古
文詞鴻博偉麗有古作者風問業者戶外屢恒滿悉心
講授多所成就著有十三經精旨諸史摘要等書

杜沔清源人嘉慶元年以舉人官汾陽教諭制舉業黜
浮去僞一宗先正其誨人口講指畫微疵必斥迄今藝

林猶時述其緒論奉爲矩矱

汾陽縣志卷之五

職官

知縣一人教諭一人訓導一人典史一人冀村巡檢司
巡檢一人

縣境於秦漢爲茲氏於晉以後爲隰城於唐上元以
後爲西河明初省縣而汾州始爲親民吏至萬曆二
十三年復設縣曰汾陽舊職官知縣而下又有縣丞
一人主簿一人黃蘆嶺巡檢司巡檢一人汾陽驛驛
丞一人並裁其職官題名明以前曰西河郡曰涪州
曰汾州皆監司上官載在府志者縣志例不當列

隋隰城縣尉

房元齡 大業末

唐隰城縣丞

薛仁駿 開元中

隰城縣尉

杜審言 襄州襄陽進士年號無考

西河縣令

李軻 紀王慎之後

劉寶 曹州南華人以上二人並年號無考

西河縣丞

李士恭 初名宗河問王孝恭之後年號無考

宋西河縣令

鄭起 建隆中

田晝 年號無考

西河縣司馬員外

盧象行 年號無考

元西河縣達魯花赤

怯烈 至元中

西河縣尹

高楫

西河縣主簿

程德明 至元中

楊志道 天曆二年

西河縣尉

馬天錫 至元中

明汾州知州

胡德元 洪武六年任

何大年 洪武十年任

張軌 陝西清湖人 初任

李善 陝西正統初任

閻鐸 天順二年任

畢用 山東鉅野人 進士

徐敬 成化二十年任

菲志道 洪武八年任

紀正 陝西隴州人 洪武十五年任

王賓 山東武城人 任

葉穆 福建順德人 任

伍琇 湖廣順德人 任

耿昇 北直衡水人 任

鄧真 河南固始人 任

張恕 陝西汧陽人 任

安鵬 陝西咸寧人 任

武衢 山東進士 任

李棠 北直清苑人 任

紀勛 雲南舉人 任

何賢 北直河間人 任

郭鏗 陝西咸寧人 任

王正宗 北直固安人 任

王確 南直嘉善人 任

張瑄 陝西平涼人 任

海鯉 湖廣江夏人 進士

程觀 宏治八年任

劉果 順天府舉人 宏治十四年任

王勳 正德五年任

伍箕 江西安福人 進士

郁浩 湖廣永寧人 進士

張鉞 山東舉人 嘉靖元年任

吳潮 江西新淦人 舉人

魏珏 河南許州人 舉人

劉坤 山東壽張人 舉人

曹寵 北直肅寧舉人嘉靖二十二年任

李當 河南嵩縣舉人嘉靖二十八年任

陳秉忠 北直遵化舉人嘉靖三十年任

來賀 陝西三原舉人嘉靖三十五年任

張朝憲 雲南景東衛舉人嘉靖三十六年任

吳道南 山東濮州舉人嘉靖四十年任

王大經 河南南召舉人嘉靖四十四年任

齊宗堯 北直昌黎舉人嘉靖四十五年任

甯策 河南內舉人嘉靖四十四年任

鄭逢時 北直固安舉人隆慶五年任

周鐸 南直太倉州進士萬曆元年任

杭朝望 南直宜興舉人萬曆二年任

張一敬 山東朝城舉人萬曆三年任

董選 河南嵩縣進士萬曆七年任

白夏 南直潁川舉人萬曆十年任

周文耀 北直廣宗舉人萬曆十四年任

劉衍疇 河南洛陽舉人萬曆十年任以後設府缺裁

汾州同知

劉欽 洪武十年任

滑恭 直隸保定人

王懋 洛南人

駱敏 廣昌人正統十三年任

夏寅 當塗人景泰元年任

蔡昭 天順二年任

陳宰 天順三年任

劉庠 成化七年任

劉鐸 成化十年任

任俊 成化二十年任

高俊 宏治八年任

席汝宏 正德二年任

李玪 正德五年任

康誥 正德八年任

張珩 正德十年任

劉鏡 遼陽人

蘇瓏 北直雄縣人

張恩 應天鳳陽人

遲應聘 山東萊陽人

何萬春 陝西隴西人

王達 湖廣麻城人

郝琦 山東德州人

王希賢 陝西金州人

黃辰 陝西咸寧進士嘉靖三十七年任

蕭相 湖廣靖州人

宋嘉猷 陝西耀州人 嘉靖四十年任

趙崇儒 陝西河縣人 嘉靖三十九年任

王應聘 山東霑化人 嘉靖三十九年任

夏詔 陝西洮州人 嘉靖三十九年任

劉綸 江西南昌人 嘉靖六年任

陳敬則 浙江安吉州人 嘉靖三十九年任

沈一奇 北直宿州人 嘉靖六年任

李陳謨 陝西通渭人 嘉靖三十九年任

母鉞 北直天津人 嘉靖九年任

王登雲 陝西高臺人 嘉靖三十九年任

鄭禧 北直秦州人 嘉靖十五年任

楊喜慶 河南孟津人 嘉靖三十九年任

汾州判官

馬愷 景泰元年任

孫宏 天順三年任

趙廉 成化七年任

卜麟 成化十年任

張廷 成化二十年任

劉澄 宏治七年任

任遵 宏治八年任

可盛 宏治十年任

郝天麒 宏治十年任

辛泰 正德二年任

劉致隆 正德八年任

魏卿 北直故城人 正德九年任

楊槐 正德十年任

李勝 陝西耀州人

李崇儒 山東人

盧松 山東人

王機 河南涉縣人

馬負圖 河南尉氏人

高文學 北直寶坻人

劉賢 四川人

陳以直 北直開州人

潘岱 遼東人

康澗 浙江永嘉人 嘉靖三十九年任

馬宗儒 北直隆平人 嘉靖四十一年任

楊守公 北直興州人 屯衛歲貢 嘉靖四十五年任

王守謙 南直武進人 隆慶三年任

邱思敬 陝西涇陽人 隆慶五年任

高魁 蘇州左衛人 籍南直六安 隆慶六年任

張齡 北直深州人 歲貢 隆慶六年任

張仕 河南新野人 歲貢 隆慶二年任

申九峰 山東恩縣人 舉人 隆慶五年任

胡璉 陝西籍 四川南江人 萬曆七年任

蕭韶 湖廣慈利人 萬曆九年任

邵子書 北直清河人 歲貢 萬曆十一年任

楊春芳 江南長洲人 監生 萬曆十三年任

秦自化 陝西三原人 選貢 萬曆十五年任

劉杞 北直定州人 監生 萬曆十七年任

俞起運 北直定州人 萬曆二十年任

杜良翰 北直新城人 監生 萬曆二十二年任

汾州學正

梁舉 洪武六年任

尼繕 大陸人 正統十二年任

林洪 天順三年任

賈鉞 成化十四年任

杜宣 成化十年任

武鉞 山東平原人 成化二十年任

樂鳳 成化二十年任

胡健 北直靈壽人 舉人 宏治十二年任

石雲 南直江都人 舉人 宏治十八年任

李孟燾 福建長汀人 舉人 正德六年任

樊昂 北直清苑人 舉人 正德十六年任

陳德 陝西長安人 舉人 嘉靖五年任

張讓 北直固安人 歲貢 嘉靖十年任

張鸞 北直完縣人 歲貢 嘉靖十六年任

王軾 河南洪縣人 歲貢 嘉靖十九年任

主堂 河南汝寧府人 歲貢 嘉靖二十三年任

姜曦 北直威縣歲貢嘉

任瑤 陝西潼歲貢

林大槐 福建莆田舉人嘉

崔朝 山東益都歲貢嘉

張三畏 北直德州衛歲貢

宋崇獻 山東武定州舉

陳汝聽 陝西狄道歲貢

方梧 北直成安歲貢

裴檀 夏縣歲貢萬

楊九章 沁州歲貢萬

李根 河南孟津舉人

馬汝順 北直永年歲貢

賈涇澍 長治舉人

馬遇伯 北直歲貢

汾州訓導

劉臯 洪武十年任

朱貞 南直江都人

李珍 陝西朝邑人正

張紹宗 天順二年任

章文 天順三年任

劉鑄 成化七年任

左貴 成化八年任

孫琰 成化二十年任

胡政 宏治八年任

李記 山東萊陽歲貢

劉愷 河南儀封歲貢

李鳳 北直交河歲貢

趙文顯 陝西平涼舉人

張嶽 歲貢正德

蘇鑾 正德十年任

霍世隆 陝西整屋歲貢

張振 北直無極歲貢

周流 陝西乾州歲貢

鄒世才 山東萊蕪歲貢

吳江 陝西咸陽歲貢嘉

劉希祐 北直任邱歲貢嘉

岳東陽 陝西狄道舉人嘉

王統 陝西蒲城人嘉

許義 河南汝寧歲貢嘉

楊光先

北直雞澤歲貢嘉

高岡

陝西合水歲貢嘉

李應科

河南涉縣歲貢嘉

張文

河南盧氏歲貢嘉

尹大志

山東曹州歲貢

姬國用

陝西榆林衛歲貢

張士舉

北直武邑歲貢

任世鰲

陝西永壽歲貢

張邦彥

安邑歲貢萬

楊灼

山東華縣歲貢

陳三餘

潞城歲貢萬

李邦柱

解州歲貢萬

王嘉孝

寧鄉歲貢萬

王瑤

山東歷城歲貢

荆來庭

荷氏

曲應鵬

歲貢

程講道

歲貢並上籍

汾州吏目

王政

古蒲人正統十三年任

趙榮

景泰元年任

趙傑

成化七年任

孫貴

成化六年任

芝茂

成化二十年任

聶成

宏治七年任

王翺

宏治八年任

李廣

宏治十年任

龍濱

正德五年任

林靖

正德十年任

韓世雄

四川眉州人

楊瑚

河南人

張友倫

陝西三原人嘉靖二十四年任

王尙智

山東恩縣人嘉靖二十五年任

楊雲鳳

陝西慶陽人嘉靖二十八年任

劉翊

直博野人嘉靖三十三年任

寇仲哲

陝西安定人嘉靖三十九年任

何宏

直豐潤人嘉靖四十二年任

趙漢

陝西涇陽人隆慶元年任

王登

北直永清人隆慶二年任

陳邦佐 河南鄆城人 隆慶五年任

高謙 北直獻縣人 萬曆二年任

劉孟冬 北直安平人 萬曆四年任

張一弛 陝西白水人 萬曆八年任

魯喬寵 山東濟陽人 萬曆十三年任

吳昌齡 山東德州人 萬曆十三年任

姜繼志 北直永寧人 萬曆十七年任

劉汝大 河南太康人 萬曆十九年任

柯芝茂 北直貴池人 萬曆二十一年任

汾陽縣知縣

蔡成己 順天通州人 萬曆己丑進士二十三年任

鮑永肩 北直東明人 萬曆二十六年任 陳盡忠 北直真定府人 萬曆二十八年任

彪準 陝西咸寧人 萬曆二十九年任 張邦俊 陝西韓城人 萬曆乙未進士三十年任

尹覺民 北直冀州人 萬曆三十三年任

張國瑞 北直樂亭人 萬曆丁未進士三十八年任

張九賢 山東歷城人 萬曆四十四年任 李作乂 河南盧氏人 萬曆四十六年任

黃纘祖 陝西咸寧人 萬曆四十四年任 張毓泰 山東鄒平人 天啟元年任

賈允迪 北直天津衛人 崇禎四年任 費甲鏞 陝西咸寧人 崇禎六年任

武清周 陝西華州人 崇禎七年任 黃家瑞 山東滕縣人 崇禎七年任

張首標 北直玉田人 崇禎八年任 王元建 北直大興人 崇禎十年任

高位 北直鹽山人 崇禎十二年任 劉必達 陝西三原人 崇禎十年任

汾陽縣丞

劉愛 陝西高陵人 萬曆二十四年任 萬應堪 浙江武康人 萬曆三十七年任

徐因教 北直獲鹿人 萬曆三十五年任 金命器 北直建德人 萬曆三十四年任

盧大道

北直承年監生萬

沈士亨

浙江嘉善監生萬

王斗宿

南直靈璧人吏員

周時悅

白河監生萬

李汝松

陝西靖邊人功

李榮先

棗陽人吏員

史承憲

浙江山陰人吏員

畢世禴

江西貴溪選貢崇正

汾陽縣主簿

劉增

陝西乾州人萬

祿天賜

河南永寧選貢萬

呼麓

陝西葭州選貢萬

王輅

南直高郵州監生

崔瑞行

北直海門監生萬

任貴

錦衣衛儒生萬

俞萊

南直歙縣監生萬

羅四垣

河南光山歲貢萬

郭如岱

山東卑縣監生萬

袁有慶

南直五河恩貢萬

王文貴

北直鉅鹿人吏員

黃守謙

南直歙縣監生萬

馬文玉

南直蘇州人吏

倪尚文

浙江上虞人吏

朱先桂

廣西桂陽監生

邱人鳳

廣東饒平例監

吉科

北直玉田人吏員

沈昌胤

浙江仁和人吏員

汾陽縣教諭

李守義

北直寧津歲貢萬

王家績

安邑舉人萬

趙一鶴

稷山歲貢萬

石炳

南直太湖選貢萬

范聯芳

山東黃縣舉人萬

楊元裕

蒲州人舉人萬

閻明望

長治舉人萬

周自立

河南開封府歲

張斗文

高苑歲貢天

李希映

解州舉人天

古景 正安邑歲貢崇
五年任

董繪 北直定州歲貢
崇正七年任

王正倫 河南閿鄉歲貢
崇正九年任

韓居觀 洪洞舉人崇
正十四年任

汾陽縣訓導

令狐梗 猗氏歲貢萬
歷二十四年任

何博載 河曲歲貢萬
歷三十年任

何志 祁縣歲貢萬
歷十五年任

王化新 襄陵歲貢萬
歷三十八年任

李果實 臨汾歲貢萬
歷三十九年任

王三接 廣東寬白思貢
萬歷四十年任

王極 汾西歲貢萬
歷十二年任

燕鹿鳴 陝西三水歲貢萬
歷四十七年任

師道亨 蒲州歲貢天
啟二年任

白三遷 徐溝歲貢天
啟七年任

張信 靈石歲貢崇
正四年任

李華然 遼州歲貢崇
正八年任

班執玉 聞喜歲貢崇
正十年任

姚之鎮 五臺歲貢崇
正十五年任

汾陽縣典史

張世忠 順天寶坻人吏員
萬歷二十四年任

田守分 北直真定人吏員
萬歷二十四年任

王興 北直博野人萬
歷三十年任

蘇守岳 浙江餘姚人吏員
萬歷三十一年任

姚汝華 南直三河人吏員
萬歷三十五年任

程應泰 南直歙縣人吏員
萬歷三十六年任

張桐 陝西渭南人吏員
萬歷三十七年任

張繼善 山東臨朐人吏員
萬歷三十九年任

謝泰亨 江西永寧人吏員
萬歷四十年任

方嘉詔 福建莆田人吏員
萬歷四十二年任

張仕化 臨湘人吏員萬
歷四十六年任

傅宗益 浙江人吏員
天啟元年任

胡克明 浙江錢塘人吏
員天啟三年任

楊作震 湖廣人吏員
天啟五年任

陳相國 浙江人吏員
天啟七年任

馬暎 南直靈璧人吏
員崇正二年任

李茂椿 河南閿鄉人吏
員崇正三年任

熊尚忠 江西南昌人吏
員崇正四年任

石之珩 員陝西同州人吏

董自揚 員北直易州人吏

劉鴻賢 員陝西耀州人吏

馬明耀 員陝西華州人吏

國朝汾陽縣知縣

梁可培 直隸容城人恩貢

李岱陽 河南封邱人進士

張蘊 奉天遼陽人選貢

吳應元 奉天廣寧人貢生

吳世英 奉天蓋州人貢生

楊煥 湖廣孝感人舉人

龐載 順治七年貢生

郭迪階 福建龍溪人

趙其星 山東德州人順治辛丑進士康熙七年任

徐熙明 湖廣羅田人舉人

卞三畏 奉天蓋州人舉人

崔秉政 奉天海城人舉人

楊棻 江南上元人順治辛丑進士康熙十八年任

陳念祖 山東德州人貢生康熙二十一年任

龐知璧 廣東南海人舉人康熙二十三年任

李聯 福建寧化人舉人康熙二十四年任

張時華 直隸滄州人舉人康熙三十六年任

王氏陟 福建寧化人舉人康熙三十七年任

盧承宗 奉天廣寧人官監康

馮長祚 陝西長安人貢生康熙四十六年任

平士楨 浙江山陰人舉人康熙五十年任

周超 浙江上虞人康熙五十八年任

陸久 江南長洲人舉人雍正元年任

馮雲燦 江南金壇人貢生雍正二年任

張延年 直隸欒城人舉人雍正七年任

林宗禎 江南泗州人貢生雍正八年任

鄧文炳 廣東番禺人舉人雍正十一年任

袁學謨 江南九江人進士雍正九年任

張克緒 滿洲人雍正十三年任

張鴻舉 河南杞縣人舉人乾隆四年任

朱廷掄 順治大興人籍浙江會稽人雍正六年任

沈廷珍 江西南吳縣舉人 乾隆十年任 會三省 江西南豐舉人 乾隆十五年任

金潢 順天大興舉人 乾隆十七年任 金修仁 順天大興舉人 乾隆十八年任

李鍾份 福建安溪舉人 乾隆二十年任 吳學昌 浙江仁和人 乾隆二十一年任

馮兆麟 浙江慈谿進士 乾隆二十年任 承常 滿洲監生 乾隆二十一年任

徐珏 江西南豐人 乾隆二十年任 顧學湖 江西南元人 乾隆二十八年任

陳曾公 直隸易州舉人 乾隆二十年任 朱濬 甘肅靈州舉人 乾隆二十八年任

李文起 廣東歸善人 乾隆三十年任 汾陽縣主簿

吳展彩 直隸大興人 乾隆三十年任 以後缺裁 順治

汾陽縣教諭

李森 萬泉恩貢 順治三年任 呂奇齡 平定州人 崇正己卯

蘭可玲 吉州歲貢 無考 任文炳 大同府歲貢 康熙十年任

王綸世 長治人 順治三年任 舉

馬登瀛 陽曲人 順治十五年任 舉

楊遷 蒲州人 康熙二十二年任 張曄 崞縣人 歲貢

李齡 臨汾舉人 無考 李鯨 絳州人 康熙三十三年任

賈若瑚 陽曲貢生 康熙二十年任 羅經 猗氏人 康熙二十二年任

喬雲綬 猗氏人 康熙六年任 郭楊 長治人 乾隆五年任

張超鹿 孟縣人 雍正五年任 舉

呂儲 夏縣人 雍正十一年任 趙鄒 平陸人 乾隆壬申

汾陽縣訓導

趙承祚 興平歲貢 順治四年任

李芳桂 陽曲歲貢 順治八年任

馮嘉祥 平定州歲貢 順治十年任

王宗堯 順治中任

楊大觀 曲沃歲貢 順治十六年任

田喜靈 馬邑歲貢 康熙二十年任

周之晉 安邑歲貢 康熙十年任

王夷會 太平貢生 康熙四十七年任

傅南宮 汾西拔貢 康熙二十年任

樊之楷 臨汾歲貢 雍正元年任

劉之後 交城歲貢 康熙五十五年任

張鳳翮 大同歲貢 雍正六年任

李加培 大同歲貢 雍正十一年任

劉壘 洪洞歲貢 乾隆元年任

單自新 大同歲貢 雍正十一年任

樊金魁 曲沃歲貢 乾隆十年任

鄭維翰 文水歲貢 乾隆六年任

張澤英 浮山廩貢 乾隆十九年任

王廷淑 吉州廩貢 乾隆三十年任

汾陽縣典史

蕭雲鵬 江西泰和人 順治二年任

童欽敬 浙江會稽人 順治五年任

張德明 浙江會稽人 順治九年任

侯瑁 直隸贊皇人 順治十三年任

李之實 直隸大興人 康熙三年任

李達孝 直隸衡水人 順治十三年任

郁焜 浙江會稽人

翁肇 北直靜海人 康熙中任

李錦 直隸靜海人 康熙四十五年任

王朝聘 陝西臨潼人 康熙四十九年任

冀國輪 江西南昌人 康熙五十年任

熊廷臣 直隸三河人 雍正四年任

單元正 直隸宛平人 雍正九年任

陶棟梁 江南常熟人 雍正十年任

黃肇熙 直隸宛平人 乾隆八年任

馬又隆 直隸任邱人 乾隆十八年任

汪履仁 安徽休寧監生乾隆二十四年任

虞山 江蘇金壇人軍機處方畧乾隆三十二年任

汾陽縣黃蘆嶺巡檢司巡檢

婁成章 直隸通州人

謝培緒

劉珏 直隸定州人

曹士英 直隸宛平人並年號無考

黃世鏞 浙江義烏人康熙四十九年任

任仁 浙江山陰人康熙五十四年任

陳丕顯 浙江會稽人康熙四十四年任

高軾 浙江山陰人吏員乾隆七年任

王振珏 直隸薊州人吏員乾隆四年任

辛先甲 滿洲監生乾隆十五年任

李潢 浙江山陰人供事乾隆十一年任

冀村巡檢司巡檢

辛先甲 即黃蘆嶺巡檢司乾隆二十一年任 周麟生 江南吳縣人吏員乾隆二十七年任

蔣國榮 浙江會稽人吏員乾隆二十九年任

道光三十年重修

補遺

北齊隰城令相里榮矩 見北齊天保三年崇勝寺佛像碑 宋西河令汪

舜昭 見宋崇寧五年永澤廟碑 金西河令楊世惠主簿張正尉卞玫

見金皇統七年顯慶禪院鐘款識 西河令完顏承貞蒲察高涅丞曲從

正主簿孫道康尉王中儂 見金泰和三年顯慶禪院請寶公開疏碑 明汾州

判官趙榮吏目王勉訓導洪讓稅課大使辛得倉大使

馬良副使孫文駟丞程浩 見明景泰二年御祭白彪山馬跑泉神碑

正誤

隰城丞薛仁暖 新唐書宰相世系表薛元暖官隰城

令此誤令為丞又誤元為仁

續編

汾陽縣知縣

陳訓 隆西象州舉人乾

蔡珍煥 隆西新建舉人乾

徐大緯 隆四十九年任大興監生乾

呂長生 隆五十六年任大興舉人乾

喬維繡 隆五十八年任監生乾

李以健 隆六十年任進士乾

王瑀 嘉慶二年任監生

范士增 慶四年任舉人嘉

吳邦治 嘉慶四年任進士

李景陽 嘉慶十二年任舉人

楊愷 山東蘭山舉人嘉

楊文瑾 四川漢州舉人嘉

王世棠 慶二十三任進士嘉

林濬源 山東歷城拔貢道

王世耀 直隸正定進士

岳維城 四川中江進士道

王繼蘭 山東濟寧州舉人

曹文錦 直隸獻縣舉人道

周貽纓 廣西臨桂進士道

汾陽縣教諭

李如星 遼州舉人乾

馬鍾謙 代州舉人乾

杜沃 清源舉人嘉

李映輝 芮城舉人嘉

毛爾杰 夏縣歲貢嘉

鄭資履 五臺舉人嘉

白嶸 太谷舉人嘉

裴世傑 猗氏舉人道

宋裕 陽城舉人道 光十七年任

張元恩 河曲舉人道 光十九年任

汾陽縣訓導

石瑾 武歲貢乾隆 四十二年任

李鵬昇 乾隆四十六年任

閻晉錕 文水舉人嘉慶八年任

邢汝楫 崞縣廩貢嘉慶十八年任

毛應豐 夏縣舉人嘉慶二十四年復任

陳棠墀 洪洞廩貢道光五年任

王鎮東 徐溝舉人道 光二十年任

段紫綬 絳州附貢道光二十七年任

冀村巡檢司巡檢

姚學閔 浙江山陰監生 乾隆四十年任

嚴引千 大興吏員乾隆五十年任

侯軒 江蘇金匱生員嘉慶元年任

黃允明 大興吏員嘉慶五年任

袁以燧 江蘇奉賢監生 嘉慶八年任

李邇遐 宛平供事 道光四年任

楊如楨 河南禹州監生 道光六年任

秦大猷 陝西長安監生 道光九年任

楊增齡 大興供事 道光十一年任

沈杞 浙江慈谿監生 道光八年任

沈良駟 順天宛平監生 道光二十三年任

俞世枌 大興監生 道光二十四年任

汾陽縣典史

朱一政 安徽含山附生 乾隆五十年任

張保崑 嘉慶六年任

王祖榮 嘉慶十年任

陳邦達 順天固安監生 嘉慶二十五年任

謝元 山東歷城供事 道光四年任

周欽 宛平監生 道光十二年任

种應元 甘肅臯蘭吏員 道光二十四年任

食封

漢昭平侯夏侯嬰以定楚功益食茲氏

史記索隱云縣也地理志屬

太原

元朔三年封代共王子

劉忠

為隰成侯四年立西河郡

隰成屬焉其地在今永寧州之西非縣境故不載入

又魏武分匈奴之衆為五部以劉豹為左部帥居茲

氏然與食封不同故亦不列晉咸寧三年八月癸亥

徙陳王斌為西河王考晉之西河國領縣四時西河

仍漢永和五年徙治離石之舊而斌分西河王邑千

七百一十戶非四縣皆其所封也故不載入

北魏西河王元太興太和二十年由前京兆王改封子昂孫崇襲

北魏置西河郡治茲氏城始於太和八年前此世祖時封元敦西河公天安元年封元右都西河公並非縣境故不載入

北齊西河王高紹仁文宣帝第四子天保初封

西河王高仁機武成帝第八子天統三年六月封

西河縣公任延敬

西河郡公乞伏令和

北周西河縣公獨孤景雲廣柯縣公楷子周末以父功

封

西河郡公乞伏慧仕周以軍功封隋仍舊封

北周無西河縣其曰西河縣公以郡公縣公爲封爵而蒙西河之稱耳

隋西河公紇豆陵

西河郡公竇洪景官驃騎大將軍封子儼孫明哲襲

唐西河郡公溫彥博武德初以勸幽州總管羅藝歸國

封貞觀四年晉虞國公

西河公竇敬遠孫善衡曾孫懷直元孫印襲

西河郡公郭英父後晉封定襄王

汾陽縣志 卷五
西河公張綸

五代晉西河郡開國侯相里金

元西河郡侯靳德淵

明慶成王濟炫晉恭王第四子也晉恭王桐太祖第三子母高皇后濟炫始生太祖方御慶成殿宴故他王率繫以地而王獨號慶成國汾州成祖時坐事召還薨謚莊惠子美靖嗣薨謚恭僖子鍾鎰嗣長子奇湏嘗代父理府事筮死無辜七人晉王奉勅數慶成王失教責奇湏罪奪冠帶降爲庶人後更以孝聞鍾鎰薨謚溫穆奇湏嗣正德中以賢孝聞賜勅褒獎薨謚端順子表樂嗣

端順王生子七人嘉靖初尚書王瓊以聞表樂樸茂寡言孝友好文學嘉靖三十年壽八十詔書嘉獎賚以金幣表樂薨謚恭裕子知爌嗣薨謚安穆子新堤先卒謚悼懷新堤子慎鍾嗣薨謚榮懿子敏范嗣薨子求掄嗣薨子審臚嗣

承和王濟煥晉恭王第六子國汾州謚昭定子美塢襲以罪廢子順僖王鍾鈇襲薨子榮懷王奇清襲薨子靖惠王表柝襲薨子安簡王知煥襲薨子新墮襲薨子慎鏞襲

公主湯沐邑北魏文成帝女西河成公主薛初古拔

尚主西河公主薛洪祚尚主唐順宗第四女西河公主沈翬尚主

道光三十年重修

補遺

明承和王濟煊 明史諸王世表新境謚莊定慎鋪謚
恭懿慎鋪後有敏霍一世此俱失載

正誤

隋西河公紇豆陵 隋書吐萬緒傳高祖大舉渡江以
緒領行軍總管與西河公紇豆陵洪景屯兵江北按紇
豆陵爲代北著姓孝文時始改竇氏隋書所謂西河公

紇豆陵洪景卽新唐書宰相世系表之西河郡公竇洪
景此誤判爲兩人

唐西河公竇敬遠 竇氏四世西河公之封乃沿新唐
書宰相世系表之訛按唐元和三年竇易直所撰竇叔
向碑敬遠下尙有紹一代紹以西河郡公改封荏平公
則善衡以下三世不得仍襲西河舊封矣

明慶成王濟炫 明史諸王列傳濟炫永樂元年徙居
潞州坐事召還太原十年徙汾州此誤叙坐事召還於
徙汾後殊非事實且坐事召還乃居潞時事此志不必
載諸王世表知嫌作知嫌新堤作新堤求掄作求掄皆

當以史爲正

流寓

王庭筠字子端河東人大定十六年間進士明昌元年
罷官卜居彰德買田隆慮讀書黃華山寺因以自號三
年詔爲應奉翰林文字遷翰林修撰泰和二年卒求生
平詩文藏之秘閣又以御製詩賜其家其引云王遵古
朕之故人也乃子庭筠又以才選直禁林者首尾十年
今茲云亡玉堂東觀無復斯人矣庭筠儀觀秀偉暮年
詩律甚嚴七言長篇尤工險韻書法學米元章與趙沨
趙秉文俱以名家遵古爲汾州觀察判官時庭筠省親
至此有行書詩石四片舊志載其詩入藝文非是地所

作例不當入附錄於此其詩曰帝遣名山護此邦千家

瑟瑟嵌西窻山僧乞與山前地招客先開冊冊四十四

晦為雙按冊字或作冊作四十一解不可作四十讀如二

十曰廿音入三十曰冊音撒是也單下冊字乃六言句

不成七絕矣此亦好奇之手挂一條青竹杖真成日挂

百錢游夕陽欲下山更好深林無人不可留王母祠東

古佛堂人傳棟宇自隋唐年深寺廢無僧住滿谷西風

栗葉黃挂鏡臺西挂玉龍半天飛雪舞天風寒雲直上

三千尺人道高歡避暑宮金時

孫翥字鳳儀汴梁人父仕元為集賢殿大學士至正二

十八年四月九日明兵取洛陽執居守者令各寫平安

書以慰出征將士時翥之父獨不寫洪武年號投筆遂

自經死汾陽縣大相里卜山書院有翥所作詩碑序稱

恐歲月愈久傳聞失真乃泣血以紀其實庶他日太史

氏有所採焉其詩曰乾坤頃洞風塵際父子君臣義獨

全身恥帝秦寧蹈海心知尊晉不書年孤忠闔苑三秋

月濁世齊州九點煙萬古姓名應不朽黃河如帶嶽如

拳又有八哀詩序稱至正戊申家僮自單懷來報鶴平

安因感時之不幸而志之不遂乃作八哀詩以洩其憤

其詩曰歷數乾坤破山河道路難艱鄴城秋草合易水朔

風寒賈勇曹劉壘輸平李杜壇林泉心不遂空報鶴平

風寒賈勇曹劉壘輸平李杜壇林泉心不遂空報鶴平

風寒賈勇曹劉壘輸平李杜壇林泉心不遂空報鶴平

安茅土恩雖重蕭牆禍已胎關山豺虎鬪江海鱗魚來
管樂才何忝風雲氣自迴深嗟王子晉愁霧鎖蓬萊萬
里長城壞千齡劫數遭卧龍終爲漢司馬已歸曹秋氣
纏金闕將軍折寶刀九重無路訴短髮不勝搔狡兔蹄
方健韓盧鼎欲燃旌旗朝入雜謗篋暮輸燕縛信高皇
詐開邊杜預賢憂時常痛哭淚入武功天服楚茅先入
吞吳沼可期君臣傾社稷天地限華夷否極還生泰時
安又致危百年文物盛涕泗墜瘡痍德厚唐虞帝寃深
蟣虱臣禁關排虎豹高閣閉麒麟咄咄年將宴漫漫夜
不晨屈原忠見放憔悴楚江濱帝座元都遠天門北海

深有人歌楚些無客問陳琳望闕千行淚思君一寸心
雷霆司號令幾日破重陰龍虎風雲散鯨鯢海水翻干
戈天下動宗廟聖人存跋涉防多難心肝奉至尊乘輿
千里目終日爲消魂案元史宰相表至正二十八年戊
申有左丞孫景益而不見列傳順帝紀於二十八年四
月亦疎漏失之故具錄藹詩以補史之闕遺元時

顧炎武字寧人崑山人以貢生薦授兵部司務再薦職
方司主事未仕其學上接漢唐考核之儒所著有音學
五書肇域志天下郡國利病書日知錄亭林集等書嘗
寓汾陽縣其金石文字記所載大相里齊天保三年相

里寺碑郭社村唐乾封二年郭君碑文侯村唐上元三年上柱國任君碑小相里唐上騎都尉相里瑞碑晉天福五年建雄節度使相里金碑皆身至其地摹搨者又有詩見藝文

李因篤字子德富平人與崑山顧炎武太原閻若璩皆以博古精考核爲學者所推重時稱爲關中李夫子其至汾陽因顧炎武遊汾時取道而來也

傅山字青主陽曲人與汾陽胡庭友善其書法篆隸及詩古文辭一時珍貴之康熙戊午舉博學鴻辭授內閣中書未仕

道光三十年重修

補遺

明謝榛字茂秦臨清人與汾州孔文谷方伯天允善嘉靖四十四年來汾州有會方伯園亭詩所謂辛苦塞上來留茲孔融宅也載四溟山人集文谷集寒食喜四溟至詩云上黨隔年期西河今日果

國朝朱彝尊字錫鬯秀水人舉博學鴻詞官檢討康熙五年客山西布政使王顯祚幕時同里曹侍郎溶備兵大同以入關至并門借櫪馬俾來汾上訪古刻得唐郭君石晉相里金兩碑作跋尾應胡處士庭之請

作好坊廟碑臺駘廟詩俱載曝書亭集又蕃錦集載汾陽客感臨江仙詞一闕亦是時作

正誤

金王庭筠傳 藝文門載金汾州觀察判官王遵古昌寧宮記書大定十三年汾鎮葛侯祈雨事則遵古官汾州當在大定中金史王庭筠傳隱黃華在明昌元年後此詩正爾時作上距遵古作記時已十七載矣此四絕句石刻原在黃華山寺雲南大理府雙塔寺亦有重摹本蓋庭筠以書法名世其翠墨所在多有摹刻者今以邑有庭筠詩碑遂牽連入流寓門且云

省親至此所書似未足爲據

續編

戴震字東原休寧人乾隆四十年

欽賜進士官翰

林院庶吉士其學長於禮經名物制度推步天象皆能洞徹本原既乃研精漢儒傳註及方言說文由聲音文字以求訓詁由訓詁以求義理實事求是，不偏主一家亦不過騁其辨以排擊前賢學術精醇爲近代儒者之冠著有毛鄭詩考正考工記圖孟子字義說方言疏證原善原象勾股割圓記聲韻考聲類表諸書乾隆三十四年客山西布政使朱文正公署郡

汾陽縣志 卷三
守孫公和相聘修府志凡三十四卷三十六年辛卯
李邑侯文起再延之修縣志凡十五卷博稽史籍駁
正舊志之譌方志中善本也又文集所載與曹給事
書王輯五墓志王秀升墓表皆是時作詳藝文

